

# 大日本史


七十二

新田義貞 列傳  
 第一百七十三卷  
 新田義顯 脇屋義助 列傳

和書門	二〇二五八
種	五三八
限	三
架	二
冊	一五〇


内閣文庫	
番號	和 20258
冊數	150 (72)
函號	138 105

架冊 〇九一  
 六五 雁和




大日本史卷之一百七十二


淺草文庫




新田義貞稱小太郎、印本尊卑分脈作太郎增鏡作小四郎蓋誤上野新田郡人源義家十世孫也義家子義國生義重義重生義兼義兼生上西門院藏



新田義貞稱小太郎、印本尊卑分脈作太郎增鏡作小四郎蓋誤上野新田郡人源義家十世孫也義家子義國生義重義重生義兼義兼生上西門院藏



新田義貞稱小太郎、印本尊卑分脈作太郎增鏡作小四郎蓋誤上野新田郡人源義家十世孫也義家子義國生義重義重生義兼義兼生上西門院藏



新田義貞稱小太郎、印本尊卑分脈作太郎增鏡作小四郎蓋誤上野新田郡人源義家十世孫也義家子義國生義重義重生義兼義兼生上西門院藏

人義房、義房生政義、政義生政氏、政氏生基氏、基氏生朝氏、朝氏生義貞、世食新田郡世良田等邑、因為新田氏。尊卑分脈、世良田據太平記、元弘三年春、車駕狩隱岐、護良親王據吉野山、楠正成城千劔破山、竝集兵圖恢復、北條高時分遣兵士攻之、護良敗走、乃專力改正成、時義貞從軍于千劔破、而竊蓄歸順之志、密謀家臣船田義昌曰、昔者源平在朝、互相鎮制、我家資世將、躬膺族望、以失勢故、為他所驅

迫、豈吾本志也、頃來相模入道舉動縱肆、自速滅亡、今欲舉兵討彼、除宸憂、以振家聲、可為之時也、然事非有所稟不可、如聞大塔宮匿在傍近山中、汝其能為吾得其令旨乎、大塔宮即護良也、義昌乃以計請而得之、其文一倣綸旨制、曰、敷化而理萬國者、明君之德也、撥亂而鎮四海者、武臣之節也、頃年北條高時蔑如朝憲、恣振逆威、積惡之至、天誅已顯、爰欲安宸襟、將舉義兵、歡感尤深、抽賞何

淺宜早運征伐之策、底靜謐之功、○按親王賜書、宜稱

令旨、而用綸旨體可疑、據增鏡、此時護良數

發間、使于船上、行在、其賜、義貞書、承制所為

未可證、姑知也、然無他書、義貞大悅、明日遂稱病

還本國、日會宗親子弟、謀誅北條高時、夏高

時、兵敗于京師、於是增發大兵、調糧郡縣、以

世良田素多豪富、特課以錢六萬、限五日、遣

吏催督里民、斂率太急、義貞執而梟之、高時

大怒、將移兵來攻、義貞乃與弟義助、率大館

宗氏及子幸氏、氏明、氏兼、堀口貞滿、及弟行

義、岩松經家、里見義胤、江田行義、桃井尚義

等百五十人、舉義生品祠前、建中黑旗、拜讀

令旨、出兵笠懸野、至日暮、族人大井田經隆、

及里見見鳥山羽川氏等、率兵二千人許、自越

後至、義貞驚且喜曰、今日之事、未暇相報、諸

君何緣速來、經隆伏鞍對曰、前四日有人徇

越後言、公奉敕舉兵、是以急裝就途、料遠郡

枝屬相繼至也、言未畢、越後甲斐信濃諸源

兵五千餘人亦來會、進至武藏上野下野上

總常陸武藏兵士不期來集衆已二萬餘人

本書作二十萬聲勢大振與北條高時將櫻

田貞國戰入間河一日三十餘合明日又戰

久米川貞國敗走分陪高時遣弟泰家將兵

佐之義貞進攻大敗退保掘金會相模人三

浦義勝○大和家譜作義行未知孰是率兵六千餘人來

屬義貞厚禮之詢以軍事義勝對曰天下兩

分英雄迭起固當數相勝敗而終始之勢必

在天心所與公之事何患不濟幸以僕兵加

公衆請促進戰義貞曰彼新來氣銳以我疲

兵恐難犯其鋒義勝曰明日之戰僕爲公保

必勝也夫戰勝而將驕卒惰武信君之所以

敗昨遣間覘敵其將驕甚此將踐宋義之言

也僕請以手兵爲公前行義貞從之明早義

勝爲先鋒卷旗徐前義貞繼之三面薄攻敵

兵驚潰北條泰家僅以身免小山秀朝千葉

貞胤破高時別將金澤貞將于鶴見鶴見據梅松論

義貞兵勢益盛進次關戶一日乃分軍爲三

義貞義助道假糶坂堀口貞滿大島守之

金○

勝院本太平  
記作義前道巨福呂坂大館宗氏江田行

義道極樂寺坂行焚民居迫鎌倉一日一夜  
六十五戰義貞與堀口貞滿竝捷入于山内  
大館宗氏進攻極樂寺坂敗死部兵潰散義  
貞乃率精兵二萬夜循間道赴極樂寺坂賊  
兵數萬固守坂上柵絕蹊要多列戰艦于海  
岸軍不得輒過義貞乃下馬臨海免胄伏禱  
曰天子方為逆賊所迫播遷西土臣義貞敢

執斧鉞深入賊地志在靖國難而匡王化伏  
祈八部龍神鑒臣忠赤使得卻潮通道解所  
佩金裝刀投之海中及曉潮退沙露二十餘  
町戰艦皆隨漂去義貞大悅曰貳師刺山得  
泉神功投珠卻潮和漢千古之異我今值焉  
大呼麾衆直入鎌倉守坂賊兵駭愕不及赴  
拒江田行義堀口貞滿諸軍相踵競進所在  
放火風適怒甚府第延燒婦女叫號騰藉煙  
焰之中衆乘勢四面攻鬪殺戮無數北條高

時遂逃葛西谷、舉族自殺、自師出至此、凡十有五日、鎌倉平矣、乃馳使者三輩、奏捷行在、義貞仍居鎌倉、捕誅北條高時子邦時、及狩野重光等、窮索黨與、撫納降附、威望日隆、八州豪傑莫不聽命焉、時帝從隱岐、幸船上山、以王師復京也、議將還闕、羣臣以北條高時未亡、諫之、不聽而發、比駕次兵庫、義貞報適至、帝大喜、授使者官、授官據天正本遙授義貞左馬助、建武元年入朝、敘從四位上、任左兵衛督、

○義貞為左兵衛督、在此今兼播磨守、管上野茲與明年不詳、姑係于此、

播磨二國守護、○按是歲赤松則村為播磨守、護、不應一國同時置兩守

護、據本書則村尋禰守護職、則授義貞蓋在此時也、今姑從舊文、宿衛京師、

帝方寵任足利尊氏、聽信其言、太平記執護良

親王付于尊氏、弟直義、幽之、鎌倉、義貞與尊

氏同宗、嘗因微嫌、不相諧、尊氏固蓄異圖、心

憚義貞、每謀除之、未有發也、參取太平記、梅松論、二年

秋、二年據天正本北條時行兵襲鎌倉、直義害護良

而出走、朝廷未知之、更遣尊氏討時行、尊氏

遂據鎌倉拒命、悉奪義貞族人食邑在關東者、而抗表招兵、皆以誅義貞爲辭、義貞聞之、亦收管內所有足利氏邑地、奉疏陳其逆狀、曰、王師克成之初、南有楠正成、西有赤松圓心、四遠蜂起、六軍虎窺、時足利尊氏從東賊、令舉族入洛、視官軍乘勝、有意救死、觀望擬議、猶挾兩端、及名越高家敗、始會官兵于丹州、抑非義旗逼京、賊將授首、彼豈肯獨操戈、以當強敵乎、顧以功微報重、猜人忠力、欺罔

浸潤、欲圖陷害、推其詞而其逆可覩矣、初臣賜綸旨、起兵上野者、五月八日也、尊氏附官軍攻六波羅者、同月七日也、道途相去八百餘里、豈此一日中所得傳言、而誣奏臣聞京洛賊敗、然後起兵、其罪一、尊氏男義詮從百餘人而入鎌倉者、六月三日也、臣將百萬衆以殲兇帥者、五月二十二日也、而僞稱賴幼弱者、得立功效、其罪二、尊氏未有所承、擅施禁令於都下、梟戮親王卒伍、非司而行法、其



罪三、兵革之後、邊遠未靜、故命皇子開府東國、而尊氏誇恩之餘、計以張勢、竝威、覬覦將軍位名、其罪四、尊氏自稱東八國管領、養兵而固恩、害民而收利、不臣之跡、固不待辨、其罪五、上天之運、雖無不復、然政令歸一、治化返古、實兵部卿親王之力、而尊氏讒構多端、陷之流刑、其罪六、親王之貶、聖衷所存、冀以懲其侈心、而尊氏藉公議、逞私怨、取而幽之、囹圄、其罪七、足利直義為北條時行所逼、不

戰而退、時已使人進刃親王、大逆無道、莫復可言、事雖未聞、道路既知之矣、其罪八、斯八逆者、措而不問、四維方絕、八柱將傾、恐噬臍莫及矣、彼方欲逞悖逆、故先力排忠義、伏請乾臨明照、下詔討尊氏直義以下逆黨、書奏下公卿議、參議藤原清忠進言、比校兩奏、尊氏之罪為重、且殺親王、侍女歸自鎌倉、上狀、罪在不赦、會護良親王、侍女歸自鎌倉、上狀、南海西海諸國亦進尊氏反書數十通、遂下

詔討足利尊氏、以中務卿尊良親王爲東國管領、義貞爲大將軍、節度使、將兵六萬七千餘人、由東海道、大智院宮、彈正尹忠房親王、率權中納言藤原實世等七千人、別由東山道進、義貞陛辭之日、具軍容入、器甲鮮盛、舊制大將軍出征、行中儀節會、授節刀、驛鈴、而治承中平維盛東征、不授節刀、廷議以其師出、不利也、更備禮遣之、貞亦依平正盛討源義親故事、遣船田義昌于高倉圍尊氏第、

三喊放二鎗矢、斫門柱而後行、尊氏發兵拒矢、矧川、義貞遠水而陣、出弓手射以誘賊、賊果濟川而來、官軍分番戰、殺傷過當、卽夜賊走、鷺坂、宇都宮、公綱及尾張、昌能、仁科、某愛、曾某、兵三千餘前攻鷺坂、又破走之、足利直義帥二萬餘人來援、陣于手越河東、義貞使義助等涉河擊之、日暮始解還、斬獲無算、夜半義貞潛遣兵逼營、亂射、賊衆驚擾、走還鎌倉、義貞連戰累捷、降賊前後數萬人、進入伊

豆府尊氏窮蹙不知所爲、義貞以東山道兵未至、逗府數日、賊散兵復集、雖已投降者、復叛附之、號三十萬、出守竹下箱根險、義助從尊良親王攻竹下、不利、官軍敗走、義貞與足利直義戰于箱根、義貞憑高指麾、諸軍乘勢奮勵、幾克之、明旦始聞尊良敗、舉軍大怖、逃降略盡、船田義昌巡視諸營、旗幕儼在、闕無人聲、馳告義貞、義貞與左右僅一百人許、棄營而退、尾張昌能、菊池武重及十六騎黨繼

至、且戰且退、至浮島原、擊降甲斐源氏兵五百餘、散兵稍集、得七千餘人、太抵天龍河、

會河水暴漲、士馬又疲、淹留三日、發民夫撤

屋作浮橋、義貞留東岸、斷後、俟衆渡訖、乃前、

太平記參取梅松論衆欲撤浮橋、義貞怒曰、我新敗之

餘、猶能作橋、況勝者乎、燒船毀橋、古人之所

以決戰、今若以此遏賊、賊將笑吾怯、吾深愧

之、乃使土人守橋而去、梅松論矢矧驛、兵又

多亡、宇都宮公綱曰、滯此更數日、恐賊徒邀

前路請急移軍近畿之地、阻葦數洲、股水以備之、諸將亦謂久逗遠境、宮掖或生他變、義貞從之、退屯尾張、方是時、京師政亂、諸國背叛、應于尊氏、朝廷震驚、亟召還義貞、延元元年春、尊氏逼京師、民庶洶騷、毀屋運財、竄匿山林、軍士亦多逃逸、在者無復鬪志、義貞乃分將士守諸路、而自帥兵一萬、阻大渡禦之、植杙水中、建槽橋上、撤版三間、斷桁不殊、使守岸兵詬賊誘之、賊五百餘人乘筏而渡、礙

杙不進、我軍連射、俄而水激筏破、賊悉溺死、守橋兵復詬誘賊、賊擇有勇力者三人至槽下、挽柱殆折、我兵佯退、賊乘之競進、桁壞、溺者千餘人、明日賊破山崎、長驅向京師、義貞引兵奔還、奉帝保延曆寺、賊將細川定禪據園城寺為寨、將來犯行、在會鎮守府將軍源顯家率陸奥出羽兵五萬入援、義貞因謀與攻園城寺、夜遣諸將陣山下、延曆寺僧徒屯如意嶽、舟軍數百泛湖以備傍射、黎明諸軍

縱火大津民居進攻不利而卻賊乘勢來追以民居火方熾湖上舟軍亂發兩射不能進義貞縱兵突擊敗之進薄園城寺栗生顯友等先登奪門義貞入舉火如意獄僧兵瞰之亦下山出賊後悉火諸堂宇表裏誼譟乘煙奮擊斬首七千三百餘級定禪走京師顯家斂軍而旋義貞獨提三萬餘兵尾賊至山階及之逼隘擊之賊驚奔蹂踐僵尸屬路義貞既入京師分軍爲三一一向將軍塚一向真如

堂一向二條河原尊氏亦親率兵迎拒自河合森至七條河原人馬填咽連亘南北里餘義貞上華頂山望之曰賊衆倍我當以奇取也令軍中相識面者每五十人各爲一隊凡得一千餘人卷旗撤笠號詐爲園城寺敗卒混賊陣約曰兵交而發既而諸軍接戰尊氏軍衆而不整我軍進退齊一自午至酉六十餘合每合皆捷向所遣兵俄揚中黑旗大呼起于尊氏左右賊衆驚亂相殺不知所嚮大

敗走諸軍追至桂川而還仍屯京師即夜細川定禪返襲會部曲縱出莫赴拒者船田義昌等為亂兵所殺義貞大敗還坂本尊氏復入京師會大智院宮及忠房親王率東山道兵二萬至坂本軍勢復振義貞乃約諸將乘夜竝進楠正成名和長年結城宗廣陣于下松源顯家陣于山科藤原實世陣于赤山延曆寺僧徒陣于鹿谷義貞屯于北白河至明僧徒進拔神樂岡楠正成等擊破足利高經

于出雲路顯家與尊氏方戰四條河原義貞乃以三萬餘人橫衝賊陣賊驚顧旗幟曰中黑來矣望風崩潰義貞易服單騎深入狙擊尊氏不得乃分道追之會日暮用正成謀還陣坂本尊氏復入京師後三日義貞又與諸將襲擊尊氏敗走兵庫太平記義貞扈駕還京明日率諸將趨兵庫擊破足利直義于豐島河原又破細川和氏于瀨河會土居通治得能通言以舟師來赴亦擊破直義于打出驛

尊氏遂浮海西走

參取太平記梅松論

義貞收降兵一

萬餘人班師以功任左近衛中將居一月山

陰山陽諸國復起應于尊氏詔義貞管領山

陰山陽十六國事往討之會疾發不能進先

遣江田行義大館氏明等二千餘人于播磨

義貞疾愈尋發留賀古河數日兵士會者六

萬餘人進次班鳩驛圖攻赤松則村白旗城

則村詐請降義貞信之馳取朝旨往返十餘

日則村既已繕完城備乃為嫚言指斥朝廷

義貞怒合圍數重晝夜攻擊意期必取而彌

月不能下便分遣義助及江田行義大井田

氏經等二萬餘人攻石橋和義於船坂山會

兒島高德舉兵熊山應之前後來攻克之義


助進圍三石城江田行義進略美作大井田

氏經據備中福山城已而尊氏將大軍從海

路東上直義將陸軍攻福山城氏經敗退與

義助合義助馳使告敗義貞報曰賊水陸竝

進若欲過陸軍恐水軍直入犯關不若且退



陣攝津、以扼兩軍、而蔽帝都、子宜釋圍、還會  
山里也、乃遣使美作、召行義、義貞終解白旗  
之圍、退駐賀古河西二日、俟義助行義等至、  
時霖雨水漲、衆以賊兵且逼、請義貞與諸將  
領具舟先濟、義貞曰、我軍未濟、而賊遽至、則  
我走路斷絕、人知必死、所謂背水陣是已、且  
吾待諸軍濟訖、乃發、未晚也、乃先令軍士病  
創及馬疲不堪騎者、以次而發、及明水落、義  
助等軍亦至、乃俱濟而至、兵庫士卒逃亡過

半、馳驛以聞、舉朝惶駭、乃遣楠正成與俱、拒  
賊、義貞會正成、問朝議及其所策、謂曰、賊勢  
張皇、欲驅敗卒當之、固難矣、但去年喪軍關  
東、以致輿議、今又承敕西發、未能拔一城、而  
聞賊大軍將至、遽然引還、我竊恥焉、是以欲  
委命一戰、勝敗非所卹也、正成曰、見機而進、  
權時而退、將之道也、紛紛之論、何介懷為、公  
往歲殲滅高時、今春破走尊氏、此雖聖運所  
致、抑亦公之武略矣、公之於兵、誰得聞然、義



貞為之釋然、終夜燕飲、明日尊氏等水陸數十萬至、旌旗翳空、舸艦蔽海、義貞部分諸將、使義助將五千餘人、陣于經島、大館氏明三千人、陣于燈爐堂南、以禦水軍、楠正成以麾下兵七百餘人、陣湊川驛西、以禦陸軍、義貞自將二萬五千餘人、守和田崎、以策應諸軍、賊先鋒將細川定禪以舟軍數百隻、進向經島、二百餘人先眾下船、義助兵擊殲之、定禪麾舟軍東赴紺邊浦、義貞與義助氏明悉率

兵士、緣岸逐之、而尊氏大艦數千艘登和田

崎、直義步軍從須磨來、楠正成戰死、義貞至

西宮、○毛利家本、北條家本、西源院本、南都本、天正本、茲作脇濱、望定禪

旗幟曰、是皆賊之偏裨、由湊川來者、足利尊

氏兄弟、此是真賊矣、乃回軍背生田森、分諸

將陣三處、殊死戰、遂見敗、賊追急、義貞自為

後拒返戰、馮中矢僵、乃立路傍塚上、待副騎、

賊兵競至圍之、義貞射斃一人、射斃一人、據西源院本

賊為之逡巡不近、更叢鏑射之、此日義貞環

名甲薄金、兩手揮鬼切鬼丸、寶刀截飛矢、  
且截且避、輕捷若神、小山田高家馳至、以所  
乘馬授之、步鬪而死、義貞賴得脫去、由丹波  
路入京師、車駕蒼黃、復幸延曆寺、尊氏入據  
東寺、遣兵三道犯行在、義貞及諸將守東坂、  
鑿塹作橋、樓堞相望、戰艦鱗次湖面、公卿僧  
徒守西坂、恃險不設備、賊直來攻、會山上大  
霧、咫尺不辨、僧兵因擊走之、數日又來攻、官  
軍戰不利、乃急擊大講堂鐘報之、義貞提兵

六千、馳上比叡山、與宇都宮公綱乘高衝之、  
賊崩潰爭下、死者填谷、義貞因屯大嶽、晨夜  
接戰十餘日、始軍中約、兩坂有急、各鳴鐘相  
報、詰旦有羣猿亂撞號鐘、諸軍以為賊至、爭  
馳集東西坂、賊陣望而擾動、因下擊大敗之、  
賊人馬蹂躪、死者相枕、義貞部下生擒賊將  
高師重、僧徒請而斬之、梟于辛崎、賊軍累敗、  
兵卒四散、經十餘日稍集、而官軍謂賊兵猶  
寡可擊、公綱等進攻東寺、賊出兵京師、諸巷

要之、官軍敗還、賊勢復振、會前權大納言藤原師基引北國兵三千餘人赴難、於是謀復攻東寺、議道所由、衆以謂經京師赴東寺、里間多隘、進退甚艱、是前日所以取敗、宜分軍爲二、西自內野、東自河原、縱火夾攻之、會有叛者、以計報敵、而官軍不之覺也、藤原師基等從河原入、義貞從內野進、復敗還、延曆寺僧徒貽書興福寺請援、興福寺聽之、近畿兵士按甲觀望者、亦相繼送款請帥、因分遣中

納言藤原隆資等諸將統之、塞四方趨京路、絕賊餉道、於是諸國兵十百成羣、日集行在

者、絡繹不絕、賊大困蹙、公卿促義貞進戰、從義

貞據金義貞乃遣阿波淡路兵三千于阿彌

陀峯、夜爇萬炬以張軍勢、與藤原隆資等諸路兵、刻日四面進攻、至期、義貞從宗族四十三人入辭、帝溫顏勞獎、義貞伏對曰、成敗在聖運、非臣所逆料、但臣今日不薄賊營而發一矢者、必不生還、乃分兵爲三、從大宮猪熊

四條縱火轉鬪而前賊兵爲之披靡遂抵東  
寺薄尊氏營呼曰天下匈匈以吾二人毋徒  
規一身功以害民命爲也願單身決戰試與  
一矢言訖而箭穿尊氏坐間柱沒鏃矣俄而  
賊兵從後奄至義貞馳突而出賊復雲合圍  
之數重射中其額血蔽面射中以下據令將  
士馬首皆西決意赴死初軍發行在帝親臨  
解所御紅袴梅松論寸斷以頒將士士皆  
感激綴之笠號而出至是其兵八百殊死奮


戰潰圍入擁義貞而去

兵八百及擁去此日

義貞與藤原隆資等期以日加巳時竝入京  
師舉火爲號會北白河民居失火隆資先期  
進戰見敗阿彌陀峯及諸路兵亦皆敗興福  
寺負約不至官軍退保坂下太平尊氏尋擁  
立光明院歷代始帝幸延曆寺自六月至九  
月從駕士二十萬皆取給於僧徒僧徒傾資  
經營猶不能足至是敵又斷東北餉道官軍  
屢出爭之不克軍士饑困相繼逃亡部伍日

減冬帝密納足利尊氏之款將還京師藤原  
 實世馳人告義貞義貞時引見將校聽之不  
 信曰此使者妄語耳堀口貞滿先往見乘輿  
 已駕貞滿伏廷泣訴留之帝方感悟義貞與  
 子弟率兵三千入謁班坐階下皆色愠而容  
 肅帝進義貞及義助曰方足利尊氏狂愚謀  
 逆之日朕謂卿與彼同宗必相黨援也乃支  
 持傾危一心於義朕深允其忠欲仗卿門以  
 鎮海內而天命未集兵勢疲極故今權且與

賊講解旋駕京師以謀後圖但恐事易泄故  
 欲臨發告之而貞滿倉卒來訴顧未曉機宜  
 然朕於其言亦有所省今者河島維賴北在  
 越前氣比神官築城敦賀以應官軍卿宜赴  
 彼經略徇北國以規恢復料朕已入京師卿  
 必受賊名今日傳位春宮付卿去天下之事  
 一以相煩謹奉嗣君視之如朕言發淚下眾  
 咸俯伏涕泣義貞即夜祈日吉社曰神尚垂  
 護俾臣得先途無恙再振義軍以滅兇賊不



然必俾子孫有克報國起家者、乃納寶刀一枚、○梅松論明日車駕入京師、義貞奉皇太子及尊良親王北行、比抵鹽津、聞敵邀前險、更道木目嶺、時山中雨雪大寒、衆皆露宿、相抱而臥、或爇弓矢爲燎、人馬凍死、不可勝計、河野通繩得能通言、兵三百、遇敵皆沒、千葉貞胤以五百餘人叛降于敵、義貞聞關三日、始到敦賀津、氣比氏治迎入金崎城、義貞遣長子義顯於越後、義助於杣山、招諸國兵、足

利高經以二萬餘人圍金崎、義助義顯途還、以奇擊走之、義貞乃泛船、大譙皇太子及尊良親王、義貞義助各執器奏樂、適有魚跳入船、藤原實世徵以周武事、割以祭天、太子受胙、衆極歡而罷、敵又發大兵、水陸來攻城、兵乘高矢石交發、敵死者日千數、踰月竟不能近、時帝出幸吉野、近畿兵日至、行在乃使渡里忠景賜詔書于義貞、力圖匡復、二年春、脇屋義治自杣山遣兵來救、道敗、自是外援斷

絕糧食已竭採海物以療饑後乃每旦宰馬充將士日食而天漸暖雪消路通敵日集城下至十萬義貞以勢不可支與義助藤原實世潛踰城趨杣山圖聚兵以攘敵旬日僅得五百餘人鎧馬且不給遷延又過旬餘敵遂陷金崎太子就虜尊良義顯自殺義貞匿杣山半歲發間使招黨舊得三千餘人尊氏復遣足利高經將六千餘人入越前府與義貞相拒加賀人敷地山岸等起兵以應義貞以

畑時能爲將據加賀越前界拔大聖寺城平泉寺僧徒亦據三峯應之因遣義助統其軍以薄越前府三年春義助率百餘人出視營地敵出兵掩之義助舉火相報義貞引三千餘人赴之高經亦以三千餘人來拒夾河而陣時雪消水盛官軍亂流而進戰半三峯僧兵出敵後縱火燒府敵駭顧而退義貞乘之追擊入府高經走足羽據黑丸城餘黨望風崩潰者三十餘壘

三十餘據天正本  
本書作七十三壘

○北陸

響震四方義軍復起各據國郡候義貞入京而義貞謀必滅高經而後進征夏出陣于府遣近衛少將藤原行實及細屋秀國船田經政攻高經行實等輕敵急攻敗還秋大井田氏經發越後兵二萬至義貞軍復振將復攻黑丸城益治攻具期于必取時義貞次子義興從源顯家西上會顯家戰沒義興及顯家弟近衛少將顯信收散兵保男山爲敵所圍帝手詔義貞引兵赴援義貞喜曰自古源平

武臣著勳王室而未聞賜手詔也今我荷至榮安得不於此時報效迺移牒延曆寺與之協力僧徒大悅從之義貞將發計高經爲後患自以三千餘人留于越前縻之付兵二萬于義助先往救男山未至聞男山失守輒還義貞乃出河合圖取黑丸城高經惶恐大修守備設七營相控援平泉寺僧徒又叛營于藤島應高經義貞夜夢與高經戰足羽河數日身化爲長蛇蜿蜒然而臥高經驚走旦日以


源平  
義貞  
三十一

源平  
義貞  
三十一



告衆皆曰龍能駕雲雨震天地而高經喪心  
 驚走大吉齋藤道獻○諸異本或作道猷毛利家本作兒島高德者  
恐聞之私言曰天下分爭猶三國時而臥龍  
 死蜀先亡況龍陽物及陰而蟄今方秋候見  
 水側是失其類吾未知其爲吉也閏七月二  
 日義貞刻日率兵而出將上馬馬騰蹠執鞚  
 夫幾死渡足羽河執旗兵所乘馬頓踣旗仆  
 中流衆以爲凶徵也義貞陣燈明寺側遣兵  
 分攻七營藤島兵撓動衆乘勢攀陴而登僧

徒力戰過晡官軍幾卻義貞怒易馬變甲引  
 騎五十間道赴救高經出步卒三百救藤島  
 義貞遇之於途敵隱楯亂射我兵不持排楯  
 僅以身遮蔽義貞耳從兵中野宗昌宗昌名據金勝院本○宗昌目義貞曰千鈞之弩不爲鼯鼠或作定澄  
 發機義貞曰棄衆獨免非吾意也策馬而進  
 馬被五矢顛于淖中義貞欲起有飛矢中額  
 度不可免終自刎而死太平年三十八清和源氏  
系宗昌及結城親齊金持重興等刎腹殉之



大日本史卷之百七十三  
列傳  
三十七

二人名據金勝院本從者殲焉時霧雨昏濛餘眾竟無

赴救者日暝有數騎還于河合者眾望之以

為義貞也各自解還迨知其死也逃散叛降

略盡北國不復支太平記三子義顯義興義宗

尊卑分脈太平記○由良系圖云義貞子貞

氏甫六歲父死後為橫瀨新九郎所育因冒

其姓後為由良氏未審真偽皆別有傳

大日本史卷之一百七十二終

大日本史卷之一百七十三

大日本史卷之一百七十三

列傳第一百

權中納言從三位源光圀修

男權中納言從三位綱條校

玄孫權中納言從三位治保重校

新田義顯弟義興義宗

脇屋義助子義治

新田義顯稱小太郎義貞之子也尊卑分脈

每從在征戰間以父功為越後守護義貞東

大日本史卷之一百七十三  
列傳

征、與結城親光、伯耆守名和長年、河內守楠  
 正成等諸將、留衛京師、大渡之敗、以三千餘  
 人斷後、敵兵六萬追之、義顯力戰數合、躬被  
 數創、太平記扶上馬、入見紫宸殿庭、帝親臨慰  
 之、遂從幸延曆寺、毛利家本太平記義貞入金碕、以  
 兵二千屬義顯、使往越後招兵為後援、義顯  
 先與叔父脇屋義助入杣山、瓜生保拒而不  
 納、義顯欲去、入越後、士卒多逃、從者僅二百  
 五十人、議復還金碕、徐圖後舉、會越前人今

莊淨慶應足利高經、距險邀之、義助曰、淨慶  
 料是今莊久經之黨也、久經前從我軍、已有  
 恩分、誰能試往說之、由良光氏諾而起、單騎  
 進曰、脇屋殿以議軍事赴金碕、子等誤發一  
 矢、何所遁罪、亟撤兵辟路、淨慶對曰、前者某  
 父久經忝在麾下、而某今屬尾張守、謀免罪  
 責、敢遮前導耳、請賜行中知名士一二首級、  
 得以藉口、則唯命之從、義助聞之默然、義顯  
 曰、淨慶之言非無謂也、然從行士卒、情切父

子寧我代彼不忍令彼代我汝以此意再諭  
淨慶彼猶不可卽與衆偕戰死存重士之義  
光氏再說淨慶不聽光氏下馬脫甲曰大將  
猶欲代衆殞命從士安不爲之効節拔刀欲  
自刺淨慶感激疾趨止之曰將士俱義淨慶  
敢懼罪哉乃撤備掩涕俯道左義助義顯大  
悅解所佩金裝刀與之曰我雖戰沒同族有  
興業者必以此證子忠義顯兵始聞淨慶之  
言恐懼逃去留者僅十六人義顯率之與俱

潰圍入金碕城已而大兵再來圍城中糧竭  
義貞潛出城走杻山集援兵義顯居守見兵

八百餘人

按見行本太平記作百六十人而  
云從尊良死者三百餘人前後齟

齟今從諸異  
本太平記

與敵相拒二十餘日敵兵十萬

四面陵城而入城兵饑久穀擊不堪坐櫓緣  
陴羸息而已義顯乃與尊良親王自殺備後  
守土居通治由良具滋長濱顯寬等拒鬪力  
盡皆死左近衛中將藤原行房大炊助里見  
義氏武田與一氣比氏治子齊晴法眼賢覺

以下士卒悉自死得免者四人降者僅十二人

太平記

義興幼名德壽丸

尊卑分脈太平記

義顯異母弟也

以母賤不為義貞所愛幼居上野延元二年鎮守府大將軍源顯家將攻鎌倉進軍至武藏國府義興亦起兵三萬應之而計顯家儻有遲留以已軍徑取鎌倉既而顯家軍至遂合兵攻拔鎌倉引與俱西明年春戰青野原破上杉憲顯及顯家薨從其弟少將顯信據

男山王師敗績奔詣吉野帝延見嘉其才器

曰可以興父家加冠御前賜今名授左兵衛

佐

○尊卑分脈正五位下左近衛將監

命與北條時行助義良

親王往略東國泛海遇風諸軍相失

太平記

義

興船漂到武藏石濱

金勝院本太平記

仍匿東國正

平七年春與弟義宗從弟義治起兵攻鎌倉

足利尊氏留子基氏守鎌倉親率兵逆戰于

金井原

本書作小手差原今據鶴岡社務記喜連川系圖訂之

官軍擊


走尊氏義宗追躡義興與義治望白旗一隊

方退、以爲尊氏也、亦追之、適降者相屬、迎拜馬首、二人行爲貌接、而士卒追北爭進、左右僅三百人、有伏兵四起圍之、二人躬自力戰、義興被三創、義治刀折、更揮眉尖刀以鬪、刃齧如鋸、士卒死者百餘人、脫圍僅免、與義宗相失、義興曰、我兵殘弊、雖欲去亦不可得、不如直襲鎌倉、與基氏決也、卽夜過關戶、會石塔、義房三浦高通等擁兵數千來降、義興大喜、相率至神柰河、知敵無備襲之、義興馳入

敵中、手斬三騎、所執轡索斷而垂地、伏鞍結之、敵馳至、亂斫不動、敵大驚異而去、旣而義治以二百餘人、與敵將南宗繼戰破之、基氏出走、義興義治仍居鎌倉、號令八州、居半月、聞尊氏旣敗義宗于苗吹嶺、將回師攻鎌倉、義興義治議將死守、或曰、宜且逃匿、聞京師消息、約北國諸將、以圖再舉、義興義治從之、乃走入國府津山、據河村城、太平記尊氏率兵來攻、乃棄城走、參取太平記、喜連川系圖後與義宗等保

越後、而武藏上野豪族致書、請奉以爲將、連名載盟、誓無貳志、義宗義治疑而不應、義興志在立奇功、獨從百餘人、轉客兩州間、將士頗相奉附、基氏及畠山國清數遣兵襲之、忽已亡匿、或邀之于路、義興與數騎突圍免去、往來出沒、遷徙不測、國清大患之、初武藏野之役、竹澤良衡者在義興部下、後降義詮、至是國清啗之以利、令圖義興、良衡佯爲負罪奪邑、使人通慇懃、義興疑而不見、良衡迎美

女少將于京師、養爲己子、盛飾以進、義興嬖之、良衡因使人屢道忠赤無二、遂得見、獻鞍馬鎧各三、宴飲從士、各與器械衣服、義興益信之、居半歲、軍謀密策悉與之俱、適值九月十三夜、良衡匿兵圖邀義興害之、義興將赴會、少將贈書告以凶夢止之、家臣井伊直秀井伊直秀據井伊家譜、西源院本太平記亦諫勿行、義興稱疾不往、良衡疑少將漏謀殺之、義興不知、數通書問、良衡詐答其嬰疾不報、數通書問以下據西源院本太平記



遣人言國清曰、審得義興所在、令江戶高重來、得俱濟事、高重良衡表兄弟也、國清因又奪高重食邑、更置守吏、高重逐之、築城聚兵、陽爲叛狀、因良衡通義興曰、道誓無故奪邑、使臣無所容、欲報之怨、而軍無司命、士卒不附、願奉公以爲大將、臣族在鎌倉者、亦數千人、率以定相模狗八州、則天下不足定矣、義興信之、將赴鎌倉、良衡高重等曰、多從兵士、恐爲人所怪、義興從之、十月使士卒先發、僅

與十餘人、乘曉適鎌倉、良衡高重豫鑿舟柁之、艤矢口渡、伏兵岸側、義興至中流、舟人抽柁遁去、舟將沈、伏兵竝起、敲舷、鬪笑、義興怒罵曰、乃爲大不道人所欺、七生必讎汝、與世良田右馬助、井伊直秀、大島周防守、由良兵庫助、由良新左衛門、竝自盡、土肥三郎左衛門、南瀨口六郎、市河五郎、脫衣銜刀、泅而登岸、斬敵五人、傷十三人、遂鬪死、良衡高重撈得首級、獻基氏于入間河營、基氏論賞、因留



良衡使高重歸邑索殘黨高重還抵矢口渡舟人載酒肴出迎舟至中流雷雨俄至波濤汹涌舟覆悉溺死高重望之驚走數里有黑氣掩其頭見義興龍曹白馬追而射已即墜馬歐血悶絕昇至家宛轉攀緣為溺水狀七日而死國清又夢義興形貌猙獰鬼物擁從挽火車入基氏陣適有雷火燒入間河民廬三百餘戶後矢口渡數有光怪土人建祠至今祀之號新田大明神

太平記高重名據江戶系圖

義宗兄義顯卒立為嗣時六歲太平記任武藏守左兵衛佐尊卑分脈聽昇殿尊卑分脈一說太平記後拜左近衛少將太平記與兄義興從弟脇屋義治久匿東國以伺釁隙正平七年春足利義詮送款于吉野帝陽許之遣由良信阿敕義宗等曰朝廷講和實一時權謀宜及時稱兵殲賊魁以除宸憂於是移牒招集率兵八百出軍于西上野舊故諸將以兵會者幾十萬餘人進至武藏足利尊氏逆戰于金井原勝敗

相當、敵將饗庭氏直所部六十、皆少壯、兜鍪插梅花、我軍兒玉黨七千餘人、皆畫團扇為旗號、義宗曰、扇有風、可以散花、遣而擊之、氏直果敗、敵兵隨潰、不可制止、義宗乃提騎五百、挺前追之、望尊氏旗幟、馳數里、至石濱、幾獲之、其左右二十餘人、力戰而死、尊氏賴得免去、斂兵以守前岸、義宗顧日已暝、後軍無繼、切齒而返、至金井原、與義興、義治相失、衆議我軍寡少、恐難久駐、請乘暗退保、笛吹嶺、

徵越後、信濃兵、以圖再舉、義宗從之、兵士復集者二萬餘人、奉宗良親王為元帥、時義興、義治襲取鎌倉、據之、而尊氏先來攻、笛吹、義宗帥諸軍、逆擊於小手、差原、小手、差原、據李花集、喜連、川系圖、酣戰不利、而卻、日暮、義宗望視敵營、炬火亘五六里、官軍炬火、落落如曉星、謂左右曰、晝日一敗、安至如是、此必有逃亡者、即設關防之、又計前逼強敵、後邇鄉土、士卒或謂大將懷內顧也、自脫甲以示不退、軍中稍定、夜

半有他軍赴敵營者，炬火絡繹照路，上杉憲顯視之先逃，義宗不得獨留，引兵奔越後。

記○按北條家本南都本太平記曰、義宗先奔越後、而憲顯繼退、及帝親御

軍、出圖京師、遣兒島高德赴義宗等來會、義

宗將七千人、與桃井直常、吉良滿貞、石塔義

房等竝發、未至禁旅潰退、義宗等亦引兵還、

後與義興、義治、攻取越後之半、築城居焉。

平太記二十三年七月、與義治起兵、與上杉憲將

等戰、不克死之。喜連川系圖川子義則、任相模守、義則

名據喜連川系圖與其子刑部少輔、○本書或作其從弟、未知孰是

匿在信濃大河原、弘和中國人離叛、率眾來

攻宮。○按本書不名、蓋宗良親王也、及新田氏宗族悉戰沒

于浪合、義則父子僅得脫、赴陸奥、寓巖城之

酒邊、元中二年竊謀起兵、移檄上野武藏之

間、招聚義舊、既而事洩、使者為鎌倉將梶原

道景、岩松法松所搜捕、事遂不就、應永初、小

山若犬丸潛來陸奥、與田村莊司坂上清包、

○按喜連川系圖、清包作則義、協謀起兵、推義則父子為大

將出次白河、上野、武藏、義徒皆來集、足利氏滿擁衆來擊、小山田村之軍大潰、於是義則父子遁至相模、依木賀彥六者、匿于箱根山底倉、薙髮更名行啓、十年國人藤田某率衆來襲、義則親拒之、不克戰沒、時刑部少輔適在他處、故得免難、十七年足利滿兼死、乃陰謀起兵、竊檄其義、故事露爲千葉兼胤所害、

鎌倉大草子

脇屋義助、稱次郎、新田義貞弟也、尊卑分脈、太平記、

北條高時發兵擊義貞、衆咸持拒計、紛紜不一、義助進曰、北條氏擅命百餘年、兵盛人服、固非我敵、即今能拒、不可持久、將遂奔亡、銷散所在窮死、使天下謂新田氏坐殺鎌倉使、以被顯誅也、非可恥之甚乎、所承綸旨、何時所用、但當稱兵、鼓義出狗郡縣、衆附則進、向鎌倉、不附則死耳、衆從其言、遂得濟功、爲兵庫助、建武元年、與義貞入京師、爲武者所、武所據、尊領駿河守護、義貞東討足利、武尊氏、義卑分脈、

助別奉尊良親王將兵七千與尊氏戰竹下前鋒失利敵乘勝直衝中堅義助乃進兵當之戰酣而退子義治適陷敵中義助復馳入取之奮戰愈勵所殺無算既而大友貞載鹽治高貞粹懷攜貳出降于敵敵勢益振義助不能支奉尊良而西敵兵追之且戰且走會義貞還京師明年足利尊氏犯京師義助與權大納言藤原公泰宇都宮泰藤等率兵七千防于山崎戰不利乃與義貞引還從駕延

曆寺與義貞攻破園城寺入京師與諸將陣將軍冢敵將高師泰攻之義助出弓手六百餘人蔽林亂射敵逡巡不進乃縱兵衝破突因與諸軍合擊敗尊氏尊氏遂西走以功拜右衛門佐聽昇殿聽昇殿據尊卑分脈然又未知在何年姑係于此又從義貞圍赤松則村白旗城久之不能拔義助諫曰嚮北條氏舉天下之兵專攻金剛山遂致海內土崩此可監也今頓兵小城下我糧竭而彼氣倍尊氏既席卷九州乘銳東向

大日本史 卷一百七十三 三傳 十一  
則進退俱難、不若分軍攻取船坂、以通山陽  
之路、收中國之兵、先彼未至、直掩筑紫也、義  
貞從之、乃遣兵二萬往攻船坂、然山險備嚴、  
仰而終日、會兒島高德揚兵熊山、約期夾攻、  
義助出軍梨原、部分諸將、令江田行義將二  
千餘人、向杉坂、大井田氏經督菊池武重守  
都宮公綱等部下兵五千人、攻船坂、以縻守  
兵、畑時能由良新左衛門等領勝兵三百餘、  
以伊東惟羣爲鄉導、縛馬口、潛行過險、徑出

三石西、縱火而進、三石城兵寡、不能出拒、而  
船坂腹背受敵、計無所出、時能氏經夾而攻  
之、遂拔其城、行義入略美作、氏經進據福山  
城、義助留攻三石城、尊氏水陸竝進、攻陷福  
山城、義貞乃招義助、與俱還軍于兵庫、軍敗、  
車駕再幸延曆寺、義助守東坂、敵薄城、多搬  
薪草填壕、欲以焚城、城中弓矢齊發、射殺三  
千餘人、敵陣擾亂、爭蔽楯避矢、義助瞰之、乃  
與諸將開門突出、白鳥陸軍衝其左、湖上舟

軍射其右、敵大敗、退守營、不復出。及東西坂、軍竝出擊敵、義助將兵五千、焚五百營、奮戰、敵兵大敗。又率兵二千、攻佐佐木高氏于志那渡、不利而還。義貞北行、使義助將兵千餘人、據杣山、招兵以爲後援。瓜生保出迎、鯖竝犒供豐厚。既而叛附于敵、閉城不內。保弟僧義鑑夜見義助曰：「請留貴息，奉以爲金崎援。」義助以子義治屬之曰：「死生唯子所爲。」明日返金崎，士卒道亡略盡，從者僅十六人。夜抵

深山寺，行問樵人，知敵兵大集，不可輒入。乃各解帶繫樹，以爲疑兵。乘曉馳犯敵圍，大呼曰：「援兵二萬騎至矣！」敵兵顧視山中，旗幟大驚，以爲援兵至，釋圍潰去，乃得入城。既而復來圍，義助從義貞潛還杣山，而金崎尋陷。義貞之再起于杣山城也，平泉寺衆徒據三峰，應之，請置將領，因遣義助往統其衆。義助從將士百餘人，視營城于鯖江，足利高經將細川某等覘知，以兵五百奄至圍之。義助奮擊，

敵濟水而卻、諸將欲追之、義助曰、以少勝衆、偶然耳、若涉水窮追、少致蹉跌、敵必返戰、困我、宜速舉火報諸營、待其來救、於是官軍望煙馳集、遂進戰、取府城、帝詔義貞救男山、義貞乃使義助將二萬人赴之、至敦賀、聞男山火、盤桓數日、男山陷、乃引還、是歲義貞攻高經于足羽、戰沒、義助乃引兵還石丸城、將士多懷反側、一夜縱火三次、繼皆降亡、在者可二千人、乃令河島維賴保三峯、瓜生、重及弟

照守、杻山、畑時能據湊城、自率七百餘人歸府、明年秋召集諸軍、圖取足羽、畑時能由良光氏、堀口氏政等、攻拔敵壘數十、進會河合、義助躬率兵三千、攻敵三日、夜下十七壘、虜將七人、斬五百餘卒、遂與諸軍薄足羽、高經懼、焚城夜遁、後村上帝騰極、詔義助曰、先帝遺敕、眷卿殊渥、其軍國之事、便宜施行、先決後奏、一如義貞故事、○按本書以義助取足羽、係後醍醐帝崩賜詔之、後誤也、今訂之、足利尊氏遣兵來攻、義助敗奔美



大日本史 卷一百七十三 列傳 十五  
濃保根尾城、爲土岐賴遠等所攻、又敗、乃與  
衆七十三人、微服往尾張熱田、依藤原昌能、  
留波津崎城十餘日、稍集散亡、潛詣吉野、帝  
爲掩淚、勞獎久之、翌日加義助一級、拜刑部  
卿、族人從兵悉授官、賜物有差、○拜刑部卿  
不知在何年  
此姑係興國元年春、伊豫人起兵、奏請統帥、廷  
議使義助往、而水陸兩道皆接敵境、不可輒  
過、會備前人飽浦信胤馳使奏、臣方揚兵小  
豆島、摧挫賊鋒、以絕京師漕路、請遣大將赴

上道、乃命義助爲將、遣之四國、西國軍事悉  
出其節制、緣道官軍多具戰艦、資糧器械、送  
抵今張浦、伊豫國司近衛少將藤原有資、守  
護大館氏明、土居得能、土肥河田武市、日吉  
氏等、大得聲勢、官軍復振、敵望風棄十餘城  
而逃、義助入居國府、五月病卒、諸軍沮喪、四  
國相尋陷沒、子義治、太平記  
義治每從義助兵間、太平記敘從五位上、尊卑分脈  
任左衛門佐、太平記爲式部大輔、尊卑分脈竹下之

戰年甫十三、與從者三人陷敵中、被髮撤笠  
號、使敵不能識辨、義助引騎三百、深入覓之、  
敵衆辟易、義治望之、佯爲返戰曰、諸人何怯、  
佯爲以下、據  
異本太平記、躍馬趨義助軍、敵兵二人以爲  
吾軍從馳、義治目從兵斬之、遂得免還、明年  
瓜生保及弟僧義鑑奉義治、集兵爲金崎後  
援、擊取足利高經新善光寺城、由是威名稍  
振、郡縣贈遺相繼、日設犒飲、而義治鬱鬱有  
不樂之色、義鑑問之、義治悄然答曰、向者克

敵事殊可欣、然皇太子及我家大人諸宗族、  
久在圍中、戰苦糧竭、每想及之、臨宴不樂、義  
鑑感泣而起、宇都宮泰藤、小野寺將氏、在壁  
後聞之曰、此子有丈夫器、何不爲扶翼濟其  
所懷哉、保等因會兵救金崎、道爲敵所敗、事  
不就矣、義助卒、竄居上野、興國六年、兒島高  
德起備前、請義治爲大將、潛引兵入京師、圖  
襲足利尊氏、事覺、義治與高德亡、匿信濃、後  
與從兄新田義興及義宗、擊尊氏于金井原、

大日本史卷之百七十三 死傳 十七

遂與義興襲取鎌倉、居半月、聞尊氏引大兵

還、走保河村城、後與義宗居越後、太平記正平

二十三年、與義宗起兵、不克、走出羽、喜連川系圖

不知所終、如卒、忠國平景高

平景高、因會兵於金、北條時義賴、

時義賴、以其子、時義賴、不、時義賴、

時義賴、時義賴、時義賴、時義賴、

時義賴、時義賴、時義賴、時義賴、

大日本史卷之一百七十三終、大入御、

